

Silaannakkut angallannermi kimmut aqputimik ammaasoqarsinnaaneranik periarfissaq pillugu misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, misissuinerup inenera kingusinnerpaamik UPA2018-imi saqqummiunneqassaaq.

(Inatsisartunut – Vivian Motzfeldt, Siumut)

Akissuteqaat

(Kommunit, Nunaqarfinnut, Isorliunerusunut, Attaveqaatigiinnermut Ineqarnermullu Naalakkersuisoq)

Siullermeenera

Inatsisartunut ilaasortaq Vivian Motzfeldt Siumumeersoq aalajangiiffigisassatut siunnersuut pillugu Naalakkersuisut sinnerlugit qutsavigaara.

Aallaqqaasiullugu oqaatigissavara silaannakkut angallannermi aqputinik nutaanik pilersitsinissaq niuerneq tunngavigalugu suliaasaasoq. Tamatumani Canadap aamma Kalaallit Nunaata akornanni ingerlavinnik pilersitsiniarneq arlaleriarluni misilinneqartarsimavoq, taamatullu siusinnerusukkut Kangerlussuarmit Baltimore-mut timmisartuussisoqartarsimalluni.

Kimmuk aqqummik taamaattumik pilersitsinermi angallannermi naammattunik tunngavissaqartoqartariaqarpoq ilaasut nassiussallu eqqarsaatigalugit. Siusinnerusukkut aqputip taamaattup niuerneq tunngavigalugu ingerlanneqarnissaanut ilaasutigut tunngavigisat naammangitsut paasineqarsimavoq. Aamma tamanna angallavinnut, taamaallaat piffissani angallaffiunerpaasuni angallaffiusartunut, atuuppoq. Aamma nassiunneqartartut naammangitsut siusinnerusukkut misiliisarnerni takutinneqareerpoq.

Ingerlatsisut siusinnerusukkut misilittagaat tunngavigalugit maannamut naliliisoqarpoq kimmuk aqqummik pilersitsineq aningaasatigut imminut akilersinnaanngitsoq. Air Greenland 2012-ip 2014-iullu akornanni Nuup Iqaluillu akornanni aasaanerani niuerneq tunngavigalugu aqqummik ingerlatsivoq. Aqputip taassuma matuneqarneranut atatillugu Air Greenland naliliivoq aqqummi ukiumut amigartoorutit 850.000 koruuniusarsimasut. Tamatuma saniatigut angallavinnik aalajangersimasunik ammaanissamut taarsiullugu, pisariaqartitsineq malillugu timmisartuussinernik ataasiakkaanik attartortarneq amerlanertigut akikinnerusarpoq.

Niuerneq tunngaviginagu timmisartut angallaviinik nutaanik pilersitsinissamik kissaateqartoqarpat politikikkuk tulliiaarinissaq isummerfigineqartussaassaaq, assersuutigalugu ingerlatsisumut aalajangersimasumut sullissinissaq pillugu isumaqatigiissusiornikkut. Angallavimmut tapiissuteqarnissaq Canadap kissaatiginnikkaa, taamaattumillu sullissinissamut isumaqatigiissutip aningaasaliiffiginissaanut Kalaallit Nunaat

qularnanngitsumik kisimiilluni akisussaasuussasoq siusinnerusukkut oqaloqatigiittarnerni takutinneqarpoq.

Timmisartukkut aqquiti nutaat amerlinissaannut kajumilersitsiniarluni Naalackersuisut suliatic ingerlateqqissavaat. Tamanna pingaartumik nunatsinni silaannakkut angallassinermut attaveqaatit ineriartortinnerisa ingerlateqqinnerisigut siunnerfilernerisigullu pissaaq. Naalackersuisut isumaqarluinnarput, attaveqaatit pilerinartut nunatsinnut, nunatsinniit nunatsinnilu aqquiti, ilaasut silaannakkullu angallasseqatigiiffiit amerlassusaannik ineriartortitsinerup ingerlaannarnissaannut kajuminnerulersitsissasut. Suliaq taanna mittarfiliortiternikkut ingerlallualereerpoq.

Timmisartunut aqquatinik nutaanik pilersitsisarneq tunngaviusumik pisortat suliassarinnikkaluaraat kimmut timmisartunut aqquatinik ammaaqqissinnaanermut periarfissanik misissuisoqarnissaanik siunnersuuteqartup kissaateqarneranut Naalackersuisut isumaqataapput. Ukiuni makkunani ataatsimut isigalugu silaannakkut angallassinermi ilaasartut amerlinerat, taamaalillunilu niuernikkut soqutigisat kimmut aqquiti matunerisa kingorna allannorsimasinnaanerat tamatumunnga pequtaavoq. Taamaattumik Naalackersuisut periarfissanik, unammilligassanik aningaasaqarnermullu sunniutaasinnaasunik misissueqqissaarniarput. Misissuinerup inerneru 2018-imi upernaakkut ataatsimiinnermi Inatsisartunut agguanneqarumaarput.

Kimmut aqquatinik ammaanissamut misissueqqissaanermut piffissaq tamakkerlugu sulisup ukiup affaani sulinerata nalinganik atugassiisoqarnissaa siunnersuuteqartup kissaatigaa. Suliassap taamaattup pisariussusia appasingaatsiartutut naliliiffigineqarpoq, aammalu nalunaaquttap akunneri siunnerfigineqartut pisariaqartinneqassanngitsut naliliisoqarluni. Taamaattumik aningaasanut inatsimmi sinaakutissatut aalajangersarneqareersut iluanni Naalackersuisut misissueqqissaarneq suliaritinniarpaat.

Naalackersuisut taamatut oqaaseqarlutik aalajangiiffigisassatut siunnersuutip akuerineqarnissaa inassuteqaatigaat.